

ՅԱՌՋԱԲԱՆ

Առաջին անգամ դեռ հինգ տարիս չլը-
րացրած, 1864 թ. Մայիսին ինձ տարին
Կարսից Արղանուչ: Տախտը-Շահվանում
(դեսպակ) նստած էի մօրս եւ փոքր քրոջս
հետ, որը կապւած էր երկու ձիու մէջ,
մինն առաջեւից էր գնում, միւսը ետեւից եւ
մենք այդ արեւելեան դեսպակի մէջ նստած
կատարեցինք 200 կիլոմետր ճանապարհոր-
դութիւնը երեք օրւան ընթացքում: Պէտք է
յայտնեմ, որ այդ ժամանակ Կարսից-Արղա-
նուչ ո՛չ թէ խճուղի, այլ սայլի ճանապարհ
էլ չկար. միայն կարավանի ուղի կար, որից
անցնում էին ձիերի կամ ջորիների շարքերը
մէկ - մէկ - իրար ետեւից: Եթէ լեռնալան-
ջից որեւէ ձի կամ ջորի սայթաքէր, կարող
էր գլորւել իր բեռով մինչեւ ձորի անդուն-
դը, որին այլեւս փրկութիւն չէր կարող
հասնել: Տափարակներում թէ հովիտներում
չատ տեղ բնական լայն ճանապարհներ
կային, որտեղից անվտանգ անցնում էինք.
պէտք էր զգուշանալ միայն անդունդների
բարձր լանջերում փորւած կամ մաշւած նեղ
նեղ կաճաններից անցնելիս: